

Qua malicia a nobis nichil nocentibus
quibus inimicus hostibus in domum pro-
muis qui eos invidias longe puerum
Erosus et terra amans hostibus
Occurritus prore et edomita carnis
fugura solos imitros spum mi-
talit explorare Erosus. au. hos. i-
dot prore et ce uita carnali nequicia
A: cont spumalia uita et amem ubi
re. Nam qui ad huc erunt se cum
pugnare: Frustra omnia se bella ex-
posca fectat. Qui enim semipum
carnalibus subingrat: Quo spumibus
victis resistat: aut quo te rabore
ceum occidant: triumphare appe-
tit qui ad huc apud semipum to-
methad invidias leuo fectat: pro
cece armans hostibus in omni si pro
mus in exhortationis Amom eos

in... in... in... in... in...
p... in... in... in... in...
Amom... in... in... in... in...
impunita: multiplicata hunc...
rempatione coram...
p... contingit. ut hui qui regendi
bis p... rempationem...
na granora p...
colu... morte...
ad fugam...
tus. Disputa in manibus huc...
distinet. Hostis itaq...
victorem...
nu...
tenta p...
mo ante...
de...
que...
culis...
rei...

1978

1642

Rep. I. V. 5.

oo we

(an p. 100)

~~Köthen~~

~~anhalt~~

~~Z 9~~

Schlossbibliothek

Köthen-Anhalt

Gu.

~~07636-02~~

III. V. 5.

10
11
12
13
14
15
16
17
18
19
20




**Warhafftige vnd Ei-
gentliche Beschreibung / Von der Geburt/
Leben vnd Sterben des Prinzen von Bran-
gien / Graff Wilhelm von Nassau / vnd wie
er auch vmbkommen ist.**

**Auch mit was Tormenten / Marter vnd pein Bal-
thasar Serack / So die That gethan / derhalben zu
Delft in Hollandt vom Leben zum
Tode gebracht**



[Faint, illegible text, likely bleed-through from the reverse side of the page]

Weiters günstiger lieber Leser / wird
hiernach angezeigt / woz sich zwischen
Gebharden Truchsen / vnd Herzo-
gen in Beyern / im verlauffnen vnd
jetzt ablauffenden 1584. Jar
im Stifte Cölln / zuge-
tragen hat.



Vorrede / An den gutwilli-
gen Leser.

DAn ist günstiger lieber
Leser / vor wenig Tagen erst in er-
farung komen / welches / so nun ein
lange zeit hero / jederman mit gros-
sem vorlangen zu wissen begert / wie
es doch mit Graff Wilhelm von

Nassau / Prinzen von Orangien / lezlich ein ausgang
vnd endt hab genommen. Aber der ausgang ist also ge-
wesen / von dem Prinzen von Orangien / Das er zu
Delft in Holland / durch einen Balthasar Gerack ge-
nan den 10. Julij An. 1584. nach ausgangen sentenz
vnd praescription / erschossen / vnd vom Leben zum todt
gebracht / Also das / das ganz Niederland in sehr gros-
ser Vneinigkeitt vnd zwyspalt steht / als wol zu erdencken
sey. Vnd den ganzen Handel wie es sich hat zugetra-
gen / von anfang bis zum endt ordentlich nach einan-
der erzehlen / Nicht allein von dem Todt / sondern auch
von der Geburt des Prinzen anfangen / mit dem leben
als dann continuiren / vnd lezlich mit dem Todt be-
schliessen / damit der gutwilliger Leser keinen

verdus drinn haben möcht zu lesen /

Wie dann kürzlichen hier-
nachfolget.

Erstlich von der Geburt des Prinzen / vnd seinen Eltern.

Alle die jenigen / so in Historien gele-
sen oder erfahren seind / müssen bekenn-
en vnd zulassen / das dieses Prinzen
von Orangien Voretern vnnnd Ge-
schlecht / Im H. Römischen Reich
Teuscher Nation / eins sondern fürtreff-
lichen ansehens gewest / vnd gehalten. Also / das im
Jar nach Christi vnser lieben Herren Geburt / Tausent
zwey hundert vnd zwey vñ neunzig jar / das ist nit viel we-
niger als vor drey hundert Jaren / einer von Nassaw das
Reich zu administrieren / als einem Römischen Keiser be-
fohlen / vnd ein gute zeit in der Regierung continuiert ist
worden / so hat auch vngefehrlich sechsig Jar darnach /
einer (wil geschweigen der anderen dapfferen Helden von
dem Geschlecht) genant Otto von Nassaw / mit des
Vogt vom Herzogthumb Gelder Tochter / einen Son-
erzeuge / der mit der Gräffin von Byanden in Lusen-
burg vermahlet / Engelbertum vnd Johannem von Nas-
saw geboren / welcher Johannes nach Engelberti todt
sucediret / vnd Graff Henrichen vnd Wilhelm von Nas-
saw / dieses Wilhelmi Prinzen von Orangien Vater
gehabt hat / wer nun vnter solchen ansienlichen Graffen
von Nassaw bey dem hochlöblichsten Kayser Osterreich
gutes gethan / das kan vnter andern / mit dem vorgemel-
ten Engelberto / welcher den Keiser Maximiliano den
ersten dieses Namens vnnnd Römischen Keiser / hoch-
löblichster gedechtnus zu Burgk / Sendt / vnd anderen
Ortieren in Flandern / vnd Niederburgundischen Lendern /
wider

wider der einreißenden Franckischen Practicken/allen-
möglichen/fleissigen vnd getrewen dienst vnd beystande
geleist/bezeugt worden. Wie gleichfalls auch mit Graff
Henrich von Nassaw/der nach absterben Maximilian/
des Keisers Carolo Quinto gleichlößlichster memorten/
nicht allein dazumal wie er zu einem Keiser erwehlet soll
werden/als ein besonder Legat bottschaff weis/an das R.
Römische Reich/aus Hispanien von allen andern abge-
fertigt:sondern wie höchstgemelter Carolus schon Keiser
gewest/hat ime dieser Graff Henrich wider den Fran-
kosen/der im Reich/dem Carolo gern verzoget wer ge-
west/an den Grenzen des Niederlandts gegen Franck-
reich/mannigfaltigen/gutwilligen/getrewen/grossen vñ
angenehmen dienst bewiesen. Auch dieser Graff Hen-
rich/bey den Teutschen Fürsten eins solchen ansehens ge-
west/das/wen sie etwas bey Keiser Carolo wol vorsorget
vnd ausgericht wolten haben/sie sich an niemands an-
ders hielten/als eben an diesen Graff Henrichen von
Nassaw/wol wissent/das ihm vom Keiser nit leichtlich
etwas abgeschlagen oder geweigert wärde/dann er bey
dem Keiser in grosser autoritet was/ Das im auch His-
panien eins guten theils zu regieren anbefohlen ist/dieses
Henrici Bruder/Graff Wilhelm von Nassaw/Als im
vnter anderen Kindern/sein Son gleichs Namens wie-
der Vater Wilhelm genent/Im Jar 1533. den 13. Tag
Aprilis vngefahrlich vmb zwo vñhren/nach mittag gebo-
ren/sey im geweissaget/wie gesagt wird/das der Prinz
von Orangien/ein gros Glück vñnd Fortuyn haben
solt/doch endlich vnd zum letzten/hastlich vñnd vnuer-
sehens vmb sein leben sol kómen/welches geschehen ist
den 10. Julij Anno 1584.

A. ii

Dom.

Vom Leben des Prinzen Von Orangien.

WEs dieser Wilhelmus/Wilhelmi des Graffen von Nassaw Henrici Bruders Sohn / wie er zwölf Jahr alt war / an Höchgedachter Kaysers Carls Hoff / vnd dient im mit ein sonderlichen Keiserlichen be- nütze als ein Edelknab vnd Junckerherr / in seiner kamer neun Jahr nach welchem der Keiser ihme für anderen Graffen vnd Herren befelich gibt / mit vnterwerffunge stattlicher Kriegsleut / wider den Frankosen / an die gren- zen / auff Carlemund / vnd Marienburg zu ziehn vnd da selbst im angesicht des Fransösischen Obersten / Herzog von Nemours ein Stadt zu fundieren / die nach ihm Philippo des Kaysers Son / Philippeuille / das ist Phi- lipsstadt geheissen vnd genennt wird. In summa vnd kurze dauon zuschreiben. Der Keiser trug in diesem Wilhelmo ein sehr günstig her / nit allein von seine vor- eltern getrewen dienst / sondern auch von wegen seiner für- trefflichen affection / die dieser Wilhelm hergegen wider- umb het / In Ir Chorus mit diesen nicht allein Engelber- to / Henrico / vnd Renato / gleich zu werden / sonder diesel- ben weit zu vbertreffen / so es im nun möglich wer / daher dann erfolgt / das Keiser Carl im nicht allein an stat Re- nati des Prinzen von Orangie / welcher Wilhelmum zu einem Erbim Testament beschieben / ein Prinz von Or- rangien zu sein confirmirt / welcher zuvor ein Graff von Nassaw war / sondern hat auch Keisern Carl seine Nie- der burgundische Länder im Jar 1555. Philippo seinem Son ehe nicht resignieren noch vbergeben wollen / dieser Prinz were dann zuvor von Philippeuille gen Brüssel erför-

erfordert / vnd persönlich dabey / in gegenwertigkeit Phi-
lippi / vnd aller gemeiner stendte des gansen Niderlands
der Keiser eins theils leibs schwachheit halben / eins theils
auch darumb / d; er seinen Sohn vnd den zuuersehen vnd
ein beständige gedechtnis lies / des sonderlichen Keyfers
affection zu diesen Prinzen / sich auff sein achsel gelehnet
vnd auffgehalten hat / vnd nach vollendung sollicher Län-
der vbergebung / von den Stenden vrlaub genommen /
vnd ehe der K. Carl in Hispanien verruckt / diesen Prin-
zen die Ehr bewiesen / das er ihme zu einem Brudern in
der Orden des Guldten Flich / den 24. Januarij zu An-
torff Im Jahr 1556. auff vnd angenommen hat /
Hieruon were in dieser Historien weitläufftiger zuschrei-
ben / wie es sich vor etlichen Jaren mit dem Prinzen im
Niderland hat begeben vnd zugetragen / Solt ihr finden
in der Niderländische Historische beschreibung / von der
Schlachten / klerlich vnd ausdrücklich vom an-
fang bis zum ende beschrieben.

Von dem Tode des Prinzen / vnd wie der Thäter ist gestrafft worden.

Nach dem der Prinz in Antorff ein zimliche zeit
gewest / so durch annemung des Herzogen Alan-
zonius zum letzten in gros gefahr kommen war /
nemlich / Anno 1582. den 18. Martij als der Prinz vom
Tisch auffstund / vnd gehet nach dem Saal / kömpt einer
Johan Jaurine genand / zu dem Prinzen getreten / vnd
scheust ihm durch sein Rinbacken / wie hernach in Teut-
schen Verssen verfasst ist

Der :

Der Prinz von seinem Tisch auffsteht/
Vnd jetzt nach seinen Saal geht/
In dem wird er mit falschem schein/
Geschossen durch den Backen sein/
Der aber diese That zu hand/
Johan Jauriue war genand/
Vad das man ihm nicht sehen sol/
Hat er sich erst versorget woll/
Mit Ablas gross vnd Heilighumb viel/
Die man bey im fand ohn ziel/
Doch weil man ihn noch sahe so klar/
Ersticht ihn der Trabenten schahr/
Von dannen auch geschleiffte heraus/
Geniertheilt wird vor dem Rathhaus/

Der Prinz durch Gottes gnad von diesem Schuss ge-
nesen vnd geholffen ist worden/ vnd sein Leben erlengert
bis auff dis 1584. ablauffenden Jar/wie hiernach folget.

Demnach ein Spaniardt in Brabant/
Wie das jetzt vberall bekandt/
Zum Prinz sich ins gemach begeben/
Vmb zu benemen ihm sein Leben/
Zu Delft erhelt sich ein zeit/
Da er seins Lebens wurde queyt/
Dann ein Burgunder Balthasar gmandt/
Als wer er mit Brieffn zu ihm gesandt/
Ins gemach des Herrn Prinzen frey geht/
Einen Schuss mit drey Kugeln thet/
Zur flucht sich geben in der frist/
Doch im eyl er gefangen ist/
Als der Prinz war gebracht zum Tode/
Von dem/ der gessen hat sein Brodt.

Baldi

Bald in die sieben ganze Jahr/
Wie er daselbst macht offenbar/
Ist ihm worden sein rechter lohn/
Vnd gestalt zur execution/
Erst ist im sein rechte Hand/
Öffentlich auff den Markt verbrand/
Dem Arm / den Füßen vnd Bein/
Ist angethan dergleichen peim/
Darnach bald in der selber frist/
Lebendig er geviertheylt ist.

Wie ihr dann in diesen nachfolgenden stücken
weiter bericht werd finden.

Es war einer Balthasar genät / bey den abgesandte
der Niderländischen Stende zu Paris in Frank-
reich / dem Prinsē vor langer zeit her vertraut vñ
wollbekandt / der hat vmb alle suspicion zu meiden / zum
Prinsē gen Delft in Holland abgefertigt / mit ime (ne-
ben anzeigung / wie Alanzonius der Herzog / Im Monat
Junij nechst verschehen / mit dem Todt abgangen vnd ge-
storben were) auff etliche ihme committierte puncten zu
handeln / Als er nun zu Delfte / dahin sich der Prinz vmb
desto baß versichert zu sein / weil der Herzog von Parma
in seinen sachen allenthalben einen glücklichen fortgang
hette / aus Antorff begeben / ankomen ist / verricht er sein
bottschafft vnd Commission / Ißet mit dem Prinsē / vñ
bleibt etliche tag da selbst bey den andern Edelleuten ans
Prinsē Hoff / wie er nun im Closter zu S. Agata / da
sich der Prinz gehalten / vrlaub / auch Passport vnd geld /
wider zu rugf auff Paris zu reisen mit genommen / kompt
er seiner gelegenheit nach / den vorgemelten 10. tag Julij /
vngesähr.

W

vngesähr.

ungefährlich vñ zwo vhr nachmittag / recht wie der Prinz
aus dem Saal da er den Mittag gessen / in sein kammer
wil gehn / kompt dieser Balchasar im entgegen getreten
gestiffelt vnd gesport / vnd sich an genomen / er wer noch
etwas vorgessen / dz müste er dem Prinzen vor seinem ab-
scheid nach Varnß / zuuor anzeigen / vnd drit ihm dapffer
vnd vnuerzagt zu scheust ein Rhor auff ihm ab / mit drey
vn vorgiffigen Kugeln / die giengen dem Prinzen vnter
der Brust an der linker seiten bey dem Herzen hinein /
vnd zerrissen dem Prinzen Magen / Lung vnd Leber / das
er als bald zu der Erden sanck vñ den Geist auffgab /
nach dem er den Mund einmahl oder zwey auffgethan
nichts geredt hat / sondern als bald todt gelegen vnd kein
leben mehr in sich gehabt. Obgemelter Balchasar der
gleichwol sein Pferd für hin außser der Stadt mit einem
jungen verwahrt / auff die flucht gericht / auch fliehn wol-
len / ist in derselben stund den 10. tag Julij gefangen wor-
den / den 11. tag für die Herren gebracht / den 12. tag scherff-
lich examinert vnd gepeinigt / Also das sie an die Zehen
seines Fuß haben gebunden vñnd zehneck ein Gewicht /
von anderthalb hundert pfund / ober dem allen haben sie
ein Nembo insieden Olich vnd gebranten wein oder Eß-
wasser gestossen / das angezündt vnd im also breñend an-
gelegt / noch haben sie im Natel vnd Regel zwischen die
Regel der Finger tieff hinein geschlagen / Doer nun gar
kein zeichen der bewegnis von sich thet / das ist / das er vn-
bewegt ist blieden / haben sie auch all sein Har seines leibs
biß auff die haut abgeschoren. Den 13. tag durch ein Sen-
tens vom leben zum todt vorürtheilt. Vnd letztlich den 14-
tag desselben Monats / auff offnen Markt zu Delfft an
ein Post gebunden / vnd sein rechter Hand zwischen zwey
glüenden

glühenden Eisen oder Rükeneisen verbrandt / Darnach
mit glühenden Zangen aus dem Arm gepincht vñ Stücke
heraus gerissen / darnach aus seinen Beinen. Weisers
haben sie in auff ein banck gelegt / vnd sein Mentlichke
abgeschnitten / vnd das in sein Angesicht geschlagen / dar
nach langsam Creuzweis auffgeschnitten / vnd sein Herz
aus dem Leib genomen / vnd in sein Mund gerieben / dar
nach sein Haupt abgehawen / vnd sein Corpus in 4. Stü
cken gehawen / vnd für die vier fürnehmste Pforten ge
henckt / vnd sein Haupt auff der Stadtmawr gesetzt / von
vielen Menschen gesehen wird. Also ist dieser Balthasar
Serack vom Leben zum todt gebracht / vnd er durch sein
pein vnd Marter all eben standhafftig geblieben bis an
sein endt. Wie sie nun mit Balthasars Leib umgangen
seind / ist klerlich erschienen / aus dem / so bis hero im käre
vnd der substanz erzelt ist worden wie sie es aber mit des
Prinzen Corpus gemacht haben / hat ein solchs gesialt /
Egliche wolten / man solte dasselbig Corpus chrllich an
das orth vnd plas seiner Verletern Begrubnus / ins
Teutschland schicken / vnd daselbst in sein Vaterland be
graben / Also haben sie das Corpus g. balsamt vnd löst
lich eingemacht / vnd zu Delft in der Alten Kuch oder
Pfarckirch begraben. So habt jr nun kürzlich diesen in
hats der beschreibung gehört / willen der halben beset lies
sen / Also das Gott Allmechtig allen Christen vnd Christ
gläubigen für solche Z. haffen vnd affection behüten vnd
beschützen wöll / vnd wir Gott den Herren teglich schül
dig seind zu bitten / das er vnser Sünffsinn wol beweren /
vnd solches nit in vnser sinn toffen komin / das einer den
andern so aufffürlich vmbbring / dan w. hat es diesen 2. ab
thar

thasar Serack nun geholffen/das er den Dringen so auß
seniglich erschosse vñ vom lebē zum todt gebracht (nichts)
Wiewol dieser Balthasar ein eiferlich gemüt hierzu ge
habt soll haben / so solten wir doch gedencen / wie Chri
stus zu Petro sprach in der Passion / Petre steck auff dein
schwert / dann der damit schleht / der dardurch vergeht/
Auch in den N. Zehen Gebott / nemlich das Sechste
Gebot / Ihr solt nicht Todschlan / dann Todtschlägers /
Querspieters / vñ Hürterders sollen das Reich der Him
melen nicht besitzen / da solten wir allzeit auff gedencen /
ehe wir solche böse wercken volbrächten vnd in sin liessen
kōnen / was hat es solchen Thäter geholffen / nichts / daß
das er schendlich gemärtelt vnd vmbt leben sey kommen /
Als man spricht / So Werck / so lohn. G. Die wil allen
Christen für solchen bösen wercken behüten / auff das wir
solchen lohn nit empfangen / sondern Kinder des Ewigen
lebens mögen werden / Amen.

Hiernach folget wie Herzog Frt

derich von Sachsen Nulckrad erstlich bele
gert / vnd den 16. Martij Anno 1583.
hat eingenommen.

Demnach des Cölschen Thumbstifts Herren /
Truchessen nicht wolten weren /
Das er wer ein Weib verpflcht /
Vnd Bischoff blieb wie Paulus spricht /
Wald der von Lawenburgh sich hat /
Erstlich gelacht vor Nulckrad /
Welchs sich zu letzt ergab aus noht /
Dweil ihm mangelte Kraut vnd Loth.

Wald

Bald darnach ergibt sich H. Casmyrus auff die
bairn/mit ein Heer Kriegsleut ins Cölsche Land Truch-
sen zu hülff/doch gar wenig ausgerichtet sein Oberster Put-
trich genand/für Onckel sich begibt wie folgt/ den 27. Ju-
lij/Anno 1583.

Bald Casmyrus das vernam/
Der Truchessen zu hülffe kam/
Des Obersten Puttrich genand/
Vor Onckel sich begab zu hand/
Vnd ob er das wol hart bestritt/
Wolt er sich doch ergeben nicht/
Demnach es sich mit Bayern vil/
Gestreckt hat zu seinem zill.

So nun der Herzog von Bayern/vom Thumbstiffe
Cölln zum Bischoff erwöhlet vnd angenommen war / hat
er als bald zu Teutsch die Abtey willen versorgen mit
Kriegsvolck/die die von Bonn vernemende / als bald dar-
an gerückt/vnd in Landt geschossen/welches geschehen
den 6. Tag Augusti/1583.

Von Bayern Herzog Ernst genand/
An Truchses statt zum Bischoff kam/
Zu Teutsch besetzt die Abtey/
Dieselbe zubeschützen frey/
Als Truchses Volck das ward gewar/
Von Bonn sie sich bald machten dar/
Stürmten dieselbe mit gewalt/
Vnd haben sie eröbert baldt.

Als nun H. Casmyrus sich ins Cölsche Landt hat be-
geben/vmb Truchsen beystand zu leisten/thut sein Kri-
gsvolck für Winter führen/vnd das bestürmt doch nicht
daran erhelt/sondern abziehen must durch seines Bruders

• Todts halben sein Land versorgen müss / Im Jar / 1592
Winter ein gar vnachtsam neß /
Mit einer Schanz gemacht gar fest /
Lies Casmirus rennen an /
Wöcht aber nichts erhal en dran /
Dieweil er dur h seins Bruders tod /
Abzieh muß von grosser noth /
Sein eigen sach zuersehn /
Vnd frembde hendel lassen stehn.

Es hat sich mitler zeit H. Fridrich von Sachsen für
Hülff beschangt mit sein Kriegsvolck / erwartende noch
mehr Volcks / das vernam jr widerpartey / vnd sich heim
lich auffmachten / im schein des Herzogen von Beyerens
volcks / mit ihr Fenlein vnd rote Feldzeichens vnd zogen
in jr Schanzen / vnd schlugen darunter das der H. von
Sachsen sampt seinem Volck die flucht müßtenemen al
so das der Feind viel Wagen mit geld / gut vnd Silber
bekomen haben / geschehn den 9. Nouemb. Anno 93.

Fridrich von Sachsen wol gemuth /
Vor Hülff sich legt mit grossem gut /
Veracht des Truchsen kleine macht /
Welches ihm darnach in vnglück bracht /
Dann da sich plötzlich in her drang /
Kund er da für nit stehn lang /
Verlies alda dem Feind das Feld /
Mit manchem Wagen Gut vnd Gelt.

Doppelsdorff / welches Truchses in Besatzung hat /
Hat der Graff vom Arenberch mit seinem Kriegsvolck
als bald brennt vnd beleget / vnd sein Geschütz dar für
gestellt / doch sich daffertlich vnd manlich gewert haben /
wie folgt / In Jahr 1593. den 14. Nouemb.

Don

Vor Poppelsdorff ein starckes Haus/
Ward auch manlich Buchs geschossen aus/
Weil es des Truchses Volck drein/
Erhalten wolt nach seinem sinn/
Doch ward zum letzten die sacht/
Also geschlichtet mit vertrag/
Das Truchses Volck zog willig aus/
Vnd ihnen oberlies das Haus.

Als nun Poppelsdorff eingenomen war/wird das
Gudesberg darnach berandt vnd hart belegert/vom
Herzog von Bayern/welches nit gewonnen kund wer-
den dann durch besprengung/darauff mancher stolzes
Mann sein leben must lassen/geschehen/den 17. Sep-
tembris/Anno 1584.

Vor Gudesberg ein festes Schlos/
Ihet Herzog Ernst gar manchen Schos/
Als sie damit nicht streichen lies/
Mit sprengen ers angreifen hiesch/
Auch steigen viel vom Fufuolet sein/
Durch ein heimlich gemach hienein/
Als nun stürmet drinn vnd draus/
Eröbert er das feste Haus.

So nuhn Gudesberg eröbert war/haben sie als
bald darnach Bonn berand/vnd mit ganzer macht be-
legert vnd hart dafür beschant/so haben sie die Stadt
einmahl oder etliche auffgeheischen vnd gefragt/was sie
im sinn hetten/darauff sie etliche sag ir bedeneken haben
genommen/als nun diese Tag vollendet waren/wider-
umb auffgefördert/ob sie es geben wöllen oder nicht/als
nun die Knecht in Bonn gesehen haben/das kein Ent-
sag vorhanden war/haben sie sich mit den andern verci-
nigt/das die in Bonn seind ausgezogen. Also haben sie
Bonn eröbert/den 28. Januarij/An. 1584.

Zu Bonn am Rhein ein Eölsche Stadt/
Der Truchses in Besatzung hat/
Die doch ohn grossen mangel darinn/
Vneinig ward in ihrem sinn/
Drumb sie dem Feind nach kurzer zeit/
Die Stadt ergab ohn allen streit.

Als nun die Stad Bonn eröbert ist worden/ hat des
Herzog von Beyern Krieguolck sich nach Bedwer ge-
ruckt/ darauff der Graff von Alphen sein Besatzung hat/
vnd sie sich Menlich vnd dapfferlich nach Kriegs ge-
brauch werten/ doch so hart beleget/ vnd mit Geschütz
besast vnd durchschossen/ das sie sich zum lezten ergeben
mussten/ vnd das leben dauon brechten/ welches geschehn
den 19 Martij/ Anno 1584.

Als nun Truchsen vmb Burg/ am alten Nesselstrom
sich legt/ vnd sein Volck verstreuet lag/ das Herzog
Ferdinand gewar wird/ kömpt hinder sie her/ Doch E-
dell Henrich sampt seinen Edelleuten sich auff die Weim-
macht/ vnd sich mit den andern schlecht/ wird Edel Hen-
rich in der eil tödtlich verwund/ vnd also gefenglich ge-
nommen in dem Truchses Volck die flucht genommen/
geschehen am 31. Martij. Anno 1584.

Weiters hat sich zugetragen/ das Herzog Ernst von
Beyern sampt seinen Krieguolck Recklinghaussen in
Westphalen beleget/ vnd einmahl oder etlich gestürmt/
doch zum lezten haben es die soldaten auffgeben/ vnd das
leben behalten/ An. 1584.

So habe ihr nuhn gehört den Inhalt des Eölschen
Kriegs/ vnd woher er erstanden sey/ So willen wir hie-
mit beschliessen/ Gott der Herr wöll vns hier geben
Frid/ Lieb vnd einigkeit/ vnd hiernachmals das Ewige
leben/ der das begert sprech Amen.

mem masculu naru dem...

78 L 1648

ULB Halle 3
 000 997 889




kein Rest

VD 77

*





33.

Warhafftige vnnnd Ei- gentliche Beschreibung / Von der Geburt /

Leben vnd Sterben des Prinzen von Bran-
gien / Graff Wilhelm von Nassau / vnd wie
er auch vmbkommen ist.

Auch mit was Tormenten / Marter vnnnd pein Bal-
thasar Serack / So die That gethan / derhalben zu
Delft in Hollandt vom Leben zum
Tode gebracht



1584.

